

Bitte, rett' de Schitzehof

Omm Sunndaach beim Stommdisch sinn merr widder emol vom Hinkelsche uffs Giggelsche kumme. Oogefonge hotts mett dene Katastrophe in Birma unn in China unn was die Leit dort unne alles mettmache misse.

Weil merr grad bei China sinn, hott uff oomol de Schorsch gesaad, habbderr schunn gesehe, im Schitzehof sinn die Rolllade erunner, de Chines dort hott vor e paar Daach zugemacht. Dess Lokal werdd sich nimmi rentiert hawwe.

De Karl hott de Kopp geschiddeld. Komisch, grad jetz, wo die chinesische Geschäftsleit hier nooch Flerschem kumme, mache die ihrn Lade dicht. Debei solle doch so um die hunnert chinesische Firma hier unn ringserum uffgemacht werrn, dene ihr Leit hädde hier doch aach gern gesse wie dehoom.

Ich habb gelacht. Die solle halt esse wie mir, die solle in de Herrsch odder ins Joffche gieh unn Rippcher mett Kraut odder Hondkäs mett Musik esse. Awwer Spass beiseit, ich habb dess aach nitt verstonne dass die zumache. Im Geeschedeil, die hädde doch bald enn mords Umsatz mache kenne im Schitzehof.

Was hätts gebrochd, moont de Schorsch, wo doch in e paar Monat dess Gonse ohnehie abgerisse werdd.

De Karl hott sich uffgereeschd. Dess versteh ich sowieso nitt. Saat emol, warum muss donn su ebbes wie de Schitzehof abgerisse werrn? Hott merr dann nix gelernt vom Abreißer vom alde Parrhaus newer de Gallus-Kersch? Dess deet merr doch heitzaach nimmi mache! Was wär dess e schnuckelisch Aldstadt jetz! Dess Parrhaus, de Gadde denewer, die groß Scheier dehinner unnem Germroth soi Geschäft – dess alles hädde scheene Wertschafde gewwe kenne, mett vill Platz devor unn denewer zum Hiesetze.

Ich saach: Unn mettem Axthelm soim Gelände werdd de selwe Fehler widder gemacht. Allsfort abreißer unn nei baue unn koo Ricksicht numme uff dess was doo iss. Weil aach mettem Schitzehof dess letzte Sälche in Flerschem verschwinne dut. Grad heit, wo iwverall was ferr die Kultur gemacht werdd, wo aach hier in Flerschem jetz su historische Sache uffgeführt werrn, weil merr mehr Leit von auswärts hierher locke will, doo nimmt merr unserm Theaterverein soi Heimat eweck. Weil grad dess Amateur-Theater die Leit unn grad die alde Leit, von denes immer mieh gibt, unnerhalle kann.

De Schorsch hott mette Achsele gezuckt. Die Plän ferrs Abreißer sinn doch all schunn gemacht, doo konnsde nix mehr mache.

De Karl war immer noch in Fahrt. Plän kann merr ännern. Guckt eich doch emol die Plän von dem Bonk-Hochhaus in Fronkfort oo, doo werdd aach die ahl Markthall mett unnergebrochd. Ich denk, grad dess iss ferr enn Archidekt gons reizvoll, e alt Bauwerk in e modern Umgewung oizeplone, merr muss dess dem nor saache, dann macht der dess aach.

De Schorsch konndem nitt zustimme. Ess iss doch alles schunn zu spät. Reesch dich ab, Karl.

De Karl druff: Naa, ich reesch mich nitt ab. Weil de Schitzehof muss erhalle bleiwe. Dess muss merr nor laut genuch saache, dann heerns unser Polidiker aach. Also saach ich: Bitte, bitte, rett' de Schitzehof, weils e Stick Alt-Flerschem iss!

Ich saach: Nur wer nitt in die Zukunft guggle dut, reißt Aldes ab. Bitte, rett' de Schitzehof, weiler e Stick vom neie Flerschem werrn kann: Ferr uns Flerschemer unn ferr all die Chineser, die noch hierherkumme.

Eiern Honnes